

**Innuttaasut amerliartortut imigassartorpallaarnerup kinguneranik qaratsamikkut ajoquteqalersimasut inuiaqatigiinnit ikiorneqarnerunissaannut nassuaatitalerlugu angusassamik toraagalimmik iliuusissanut pilersaarusoqqullugit Naalakkersuisut sanaqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Iliuusissanut pilersaarut saqqummiuteq-quneqarpoq kingusinnerpaamik Inatsisartut 2014-mi upernaakkut ataatsimiinneranni.**  
*(Inatsisartunut ilaasortamit Agathe fountainimit, Inuit Ataqatigiit, saqqummiunneqartoq)*

aamma

**Innuttaasut imigassamik ajornartorsiutillit taassuminngalu qaangiiniarlutik katsorsartikkumasut nammineq akiliinatik katsorsartittarnissaannik aqqtissiuussinissamik iliuusissanullu pilersaarummik kingusinnerpaamik Inatsisartut 2014-imni upernaakkut ataatsimiinnissaannut saqqummiunneqartussamik Naalakkersuisut peqquneqarnissaannik Inatsisartut aalajangiiffigisassaattut siunnersuut.**

*(Inatsisartunut ilaasortamit Mimi Karlsenimit, Inuit Ataqatigiit, saqqummiunneqartoq)*

### **Akissuteqaat**

(Peqqissutsimut Attaveqarnermullu Naalakkersuisoq Steen Lynge)

### **Aappassaaneerinninneq**

Siunnersuutit taakku marluk sukumiisumik suliarineqarnerinut Naalakkersuisut qujapput, isumaliutissiissumnullu tunniunneqartumut qujallutik.

Atornerluisunik katsorsaanermi ajornartorsiutit tamatumunngalu aaqqiissutissatut siunnersuutit pisariusuupput naalakkersuisoqarfiallu akornanni pitsasumik aaqqiinissamut suliallu ingerlaqqinnerani oqaloqatigiinnissamut qilanaarpugut.

Ataatsimiitaliap isumaqatigiittup inassutigaa imm. 57 taamatut iluseqartillugu akuerineqassasoq. Taamatut inassuteqarneq Naalakkersuisunit akuerineqarpoq utoqqaallu imigassartorpallaarnerup kinguneranik qaratsamikkut ajoquteqalersimasut pillugit immikkut suliniuteqarnissamut pilersaarisorluni sulineq UKA 2014-mi saqqummiunneqartussaq aallartissallugu.

Naalakkersuisut aamma ataatsimiitaliap isumaqatigiittup allangnuutissatut siunnersuutaa una ajunngitsumik isigalugu:

*"UKA 2014-imut atornerluinermut katsorsartinnissamut pisariaqartitsineq pillugu misissueqqissaarnissamik aamma inuiaqatigiinnut akeqanngitsumik atornerluinermut katsorsartittarnermik neqeroorutip atuutsinneqalernerata inuiaqatigiinnut iluanaarutaaneranik misissueqqissaarnissamik, kiisalu UPA 2014-imi siunissami atornerluinermut katsorsaasarnissamut neqeroorutit pillugit pilersaarummik, Naalakkersuisut saqqummiusseqqullugit peqquneqassasut, taamaalilluni AIS 2015-mi taakkua piviusunngortinnejarsinnaaniassammata".*

Imigassaq kisiat samminagu misissuinerup annertusinissa, kisiannili atornerluinermi ajornartorsiutit amerlanerusut taakkulu katsorsarneqartarnerisa isiginiarneqarnissaat pillugu Inatsisartuni ataatsimiititaliamit ajunngitsumik akissuteqarneq Naalakkersuisunit nuannaarutigineqarpoq.

Tamanna tunngavigalugu ataatsimiititaliap imm. 61-imut allannguutissatut siunnersuuta Naalakkersuisunit akuersaarneqarpoq.